



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 53. Pauliciani conversi.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

§. LIII.

Pauliciani conversi.

Sæcul. XII.

A.C. 1118.

Præter illa, quæ de Bogomilis, pœna affectis, suo loco retuli, Alexius Imperator sub finem Regni sui, etiam ad inquirendos & convertendos alios similibus farinae Hæreticos animum adjecit, scilicet Paulicianos, quos olim Joannes Zimisces Imperator ex Asia in Thraciam ad confinia Philippopolis transtulerat, illis Imperii finibus contra Scytharum incursions præsidium. Sed hæc Manichæorum progenies, nulli Domino parere assueta, brevi ad ingenium rediit. Catholicos illius regionis pervertebant, eorum domos diripiebant, tyrannorum more divexabant; quam pestem juncti alii quoque Hæretici, Armeni & Jacobitæ augebant. Alexius Imperator Paulicianos partim sine armis, partim vi sibi subjectos ad fidem Catholicam perducere conatus est. Cum præcipuis eorum a prima luce usque ad vesperam, non nunquam etiam in multum noctis disse-
 rebat, præsentibus Eustrato, Episcopo Niceno, & Philippopolitano. Nicephorus quoque Bryennius Cæsar, Imperatoris gener, his colloquiis intererat. Complures Manichæorum istorum ad veram Religionem conversi & Christianis Sacris initiati sunt; sed Culeon, Cusinus &

*Sup. §. 10.**Zonar.**XVIII. n.**26.**Anna Comn.**lib. 14. p. 450.**Sup. l. LVI.**§. 24.*

Bb 5

Pho-

Sæcul. XII. Pholus, nefariæ Sectæ capita, temere re-
 A.C. 1118. pugnant, atque cum Imperatore dispu-
 tantes alter alteri succedebant. Impe-
 rator, abjecta spe, eorum pertinaciam ex-
 pugnari posse, Constantinopolim missos
 carceri includi iussit.

Ipsè in illa Regione permanens, jam
 una die centum, jam plures, & tandem to-
 tas urbes pagosque, ad veram fidem per-
 traxit. Incolarum primoribus præfectu-
 ras in exercitu suo dedit, plebem vero
 in unam urbem, quam condidit, collegit,
 agrosque, quos colerent, divisit. Constans
 tinopolim exinde reversus tres Hæretico-
 rum Duces iterum disputando aggredi-
 tur; & Culeon quidem victas manus de-
 dit, alii duo perpetuo carcere damnati
 pervicaciam luerunt.

§. LIV.

Alexii Constitutiones.

Jus Græco Constitutiones complures de Causis Ec-
Rom. lib. II. clestasticis ab Alexio Comneno editæ
p. 121. &c. nobis supersunt. Prima, mense Septem-
 bri, Indictione nona, id est, anno mille-
 simo octogesimo sexto data est, in qua
 Decretum Isaaci Comneni patris sui con-
 firmat. In ea vero Canonicum Episco-
 porum & jura Ordinationis statueban-
 tur. Canonicum dicebatur, pretium
 Primitiarum, quas Laici quolibet anno
 Episcopis conferre obligabantur, in hunc
 modum: